

KOMMISJONSVEDTAK

2008/EØS/38/28

av 15. april 2005

om mellombels marknadsføring av visse frø frå arten *Glycine max* som ikkje stettar krava i rådsdirektiv 2002/57/EF(*)

[meldt under nummeret K(2005) 1137]

(2005/310/EF)

KOMMISJONEN FOR DEI EUROPEISKE FELLESSKAPA
HAR —

med tilvising til traktaten om skipinga av Det europeiske fellesskapet,

med tilvising til rådsdirektiv 2002/57/EF av 13. juni 2002 om marknadsføring av frø fra oljevekster og fibervekster⁽¹⁾, særleg artikkel 21 nr. 1, og

ut frå desse synsmåttane:

- 1) I Austerrike er mengda med tilgjengelege frø frå soyabønner (*Glycine max*) som er eigna for dei nasjonale klimatiske tilhøva og som stettar krava med omsyn til spireevne i direktiv 2002/57/EF, ikkje tilstrekkeleg, og kan difor ikkje dekkje etterspurnaden i denne medlemsstaten.
- 2) Det er ikkje mogleg å dekkje etterspurnaden etter frø frå denne arten på ein tilfredsstillande måte med frø frå andre medlemsstatar eller frå tredjestatar som stettar alle krava som er fastsette i direktiv 2002/57/EF.
- 3) Austerrike bør difor fram til 15. juni 2005 få løyve til å tillate marknadsføring av frø frå denne arten som er underlagde mindre strenge krav.
- 4) Utan omsyn til om frøa er hausta i ein medlemsstat eller i ein tredjestat som er omfatta av rådsvedtak 2003/17/EF av 16. desember 2002 om likeverd for feltinspeksjonar som er utførde i tredjestatar med omsyn til frøproduserande planter, og om likeverd for frø som er produserte i

tredjestatar⁽²⁾, bør andre medlemsstatar som er i stand til å forsyne Austerrike med frø frå denne arten, få løyve til å tillate marknadsføring av slike frø.

- 5) Austerrike bør fungere som koordinator for å sikre at den samla mengda med frø som løyvet omfattar i medhald av dette vedtaket, ikkje overstig den største mengda som er fastsett i dette vedtaket.
- 6) Dei tiltaka som er fastsette i dette vedtaket, er i samsvar med fråsegna frå Det faste utvalet for frø og økslingsmateriale innan jordbruk, hagebruk og skogbruk —

GJORT DETTE VEDTAKET:

Artikkel 1

Fram til 15. juni 2005 er det tillate med marknadsføring i Fellesskapet av frø frå soyabønner (*Glycine max*) som ikkje stettar dei krava med omsyn til minste spireevne som er fastsette i direktiv 2002/57/EF, dersom dei vilkåra som er fastsette i vedlegget til dette vedtaket og dei følgjande krava, er stetta:

- a) spireevna må minst vere slik som det er fastlagt i vedlegget til dette vedtaket,
- b) den offisielle etiketten skal vere påført opplysningar om kva spireevne som er fastlagt i den offentlege granskinga som er utførde i medhald av artikkel 2 nr. 1 bokstav f) og g) i direktiv 2002/57/EF,
- c) frøa skal vere marknadsførde første gongen i samsvar med artikkel 2 i dette vedtaket.

(*) Denne fellesskapsrettsakten, kunngjort i EUT L 99 av 19.4.2005, s. 13, er omhandlet i EØS-komiteens beslutning nr. 141/2005 av 2. desember 2005 om endring av EØS-avtalens vedlegg I (Veterinære og plantesanitære forhold), se EØS-tillegget til *Den europeiske unions tidende* nr. 10 av 23.2.2006, s. 11.

(1) TEF L 193 av 20.7.2002, s. 74. Direktivet sist endra ved direktiv 2004/117/EF (TEU L 14 av 18.1.2005, s. 18).

(2) TEF L 8 av 14.1.2003, s. 10. Vedtaket sist endra ved forordning (EF) nr. 885/2004 (TEU L 168 av 1.5.2004, s. 1).

Artikkel 2

Ein leverandør av frø som ønskjer å marknadsføre dei frøa som er nemnde i artikkel 1, skal levere inn søknad om løyve til medlemsstaten der han/ho er etablert eller som han/ho importerer til.

Den medlemsstaten som det gjeld, skal gje leverandøren løyve til å marknadsføre desse frøa, med mindre:

- a) han er i sterk tvil om leverandøren er i stand til marknadsføre den frømengda som han/ho har søkt om løyve til, eller
- b) den samla mengda som det er gjeve løyve til å marknadsføre i medhald av det aktuelle unntaket, vil overstige den største mengda som er fastsett i vedlegget.

Artikkel 3

Ved gjennomføringa av dette vedtaket skal medlemsstatane gje kvarandre administrativ hjelp.

Austerrike skal fungere som koordinerande medlemsstat med omsyn til artikkel 1, for å sikre at den samla mengda som det er gjeve løyve til å marknadsføre, ikkje overstig den største mengda som er fastsett i vedlegget.

Medlemsstatar som mottek ein søknad etter artikkel 2, skal straks melde frå til den koordinerande medlemsstaten om den mengda som er førd opp i søknaden. Den koordinerande medlemsstaten skal straks informere den medlemsstaten som har gjeve meldinga, om godkjenninga vil føre til at den største mengda vert overskriden, eller ikkje.

Artikkel 4

Medlemsstatane skal straks melde frå til Kommisjonen og dei andre medlemsstatane om kor store mengder med frø som det er gjeve løyve til å marknadsføre i medhald av dette vedtaket.

Artikkel 5

Dette vedtaket er retta til medlemsstatane.

Utfærd i Brussel, 15. april 2005.

For Kommisjonen

Markos KYPRIANOU

Medlem av Kommisjonen

VEDLEGG

Art	Sort	Største mengd (tonn)	Minste spireevne (% av reine frø)
<i>Glycine max</i>	(mognadsklasse: svært tidleg) Dolores Gallec, Merlin, OAC Erin	1 185	70
	(mognadsklasse: tidleg) Amphor, Essor, Idefix, Kent, London	1 275	